



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,  
ordinis Prædicatorum, ac hæreticæ prauitatis Inquisitoris**

**Fumo, Bartolomeo**

**Antverpiae, 1570**

Blasphemia.

**urn:nbn:de:hbz:466:1-30427**

fit bigamus, quia coniunctio fornicaria non significat coniunctionem Christi cum ecclesia, Thomas quarto sententiarum d. 27. Hzbr. 11.

## BLASPHEMIA.

**B**LASPHEMIA consistit in attribuendo Deo aliquid, quod non conuenit, vel negando aliquid quod ei conuenit, vel attribuendo creaturæ, quod soli Deo conuenit, vel Deo aut sanctis iniuriam irrogando, vel dicendo maledictus sit, &c. vel nominando membra pudenda Dei & sanctorum cum indignatione. Sic etiam irrogatur iniuria, vel remouendo à sanctis, quod Deus dicit in eis esse, vel attribuendo eis, quod dicit non esse: hæc enim redundant in Deum, qui in sanctus est gloriosus, vel dicendo sic veniat Deo, imprecando Deo malum, quasi ipse his sit subiectibilis. ex Thom. secunda secundæ q. 13. a. 1. & Caiet. ibi. ver. blasphemia. Et est peccatum mortale, quia talibus blasphemis pena mortis infligitur. Leuit. 24. quod non fieret, nisi propter mortale. Et est grauius contra Deum, quam contra sanctos. Nec quis si sit mentis compos, blasphemando à mortali excusatur, nisi quando inaduertetur ex lapsu lingue, verba blasphemie profert, non aduertendo sensum verborum, quod si aduertisset non protulisset. Est enim tunc tantum blasphemia materialiter, ideo neq; passio extranea, neque consuetudo. tales à mortali excusantur, secundum Caietan. ibi supra. vbi dicit, quod dicere ad corpus, vel ad sanguinem Dei, siue iurando, siue resonando in rixa, non est blasphemia, quia ex quo Deus homo factus est, habet carnem & sanguinem: nec est mortale peccatum, nisi dicatur per modum iniuriantis, vel mendaciter, assumeretur.

**B**LASPHEMIA est maximum peccatum, quia opponitur confessioni fidei, & maius est quam periurium, secundum gloss. Eph. 4. super illud, Blasphemia tollatur à vobis. Est etiam grauius homicidio. Grauius enim est Deum velle offendere, quam homi-

nem, quod blasphemans intendit. **D**E blasphemorum poenitentia qualis debeat esse, quamuis hodie non seruetur, vide capit. Itatuimus. de male. has poenitentias ibi postas non refero: quia secundum Pa. ibi non seruantur. Sed maior poena ponitur in nona sessione Concilij Late. sub Leo. x. infra. §. 5.

**B**LASPHEMANTEs Deum & sanctos, etiam secundum leges, ultimo supplicio debent puniri. Sali. in l. 2. C. ad legem Iuli. maiest. & Cyn. in lib. 3. C. de rebus cred. & intelligitur quando ex consuetudine fit, & in contemptum. & glo. in c. si quis per capillu, 2. 2. q. 1. Et per vltimum supplicium, mortis poena intelligitur.

**B**LASPHEMIA non est amplius casus reseruatus, cum solennis presentia, quæ blasphemis imponeretur, non sit amplius in vsu, vt infra. ver. casus. §. 8. & dispensatio §. 26. Alia poena imponitur in concilio Lateran. in nona sessione, quam non refero: quia non est vsu probata, in qua imponitur cõfessoribus, vt blasphemos sine grauisima poenitentia non absoluant.

## CALIX.

**C**ALICES in quibus sanguis Christi conseruatur, secundum Tho. 3. q. 83. a. 3. debent fieri ex auro, vel argento, vel stanno. de consec. distinct. 1. ca. vasa, non ex ære, aurichalco, ligno, vitro, vel lapide. Cõcord. Pa. in c. fin. de celebr. missar. & Petrus de Palu. 4. d. 15. q. 2. a. 5. qui dicit ex alia materia fieri non posse.

**C**ALIX debet consecrari, & perungi Chrismate, secundum Petrum de Palu. supra, in quo non licet Episcopo dispensare, ex ordinatione Syluestri Papæ in cap. 1. de sacr. vn. nec perdit consecrationem, nisi perdat formam principalem, vt si modica refectione cipi, vel pedis indigeat, non propter hoc exacratur. Si autem separetur ciphus à pede, vt fit in calice tornatili, vel aliter, secundum Petr. de Palu. indiget consecrari iterum, quia nec pes sine ciphos, neq; ciphos sine pede, consecrari potest, secundum eundem Petrum